

- 443 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-05-6110/11

Datum, 31.05.2011.godine

Na osnovu člana 99. i 110. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 34.sjednici od 31.05.2011. godine, razmatralo je Informaciju o provođenju zaključaka Općinskog vijeća Zavidovići, pa nakon rasprave donijelo

ZAKLJUČAK

I

Općinsko vijeće Zavidovići usvaja Informaciju o provođenju zaključaka Općinskog vijeća Zavidovići sa naredbama i to:

1. NAREDBA

Zadužuje se Općinski načelnik Zavidovići sa nadležnim službama da **ODMAH** obavijesti Poresku upravu FBiH, Vladu ZE-DO kantona, Upravu za inspekcijske poslove ZE-DO kantona i zatraži njihovu pomoć u provođenju zaključaka Općinskog vijeća Zavidovići broj 01-34-6361/07 od 08.01.2008. godine.

Obrazloženje

Dana 08.01.2008.godine Općinsko vijeće Zavidovići je donijelo prvi Zaključak o suzbijanju rada na crno, suzbijanju kriminala i utaje poreza na pijaci „BN – Step“.

U ovom Zaključku stoji: „ Općinsko vijeće Zavidovići zadužuje Općinskog načelnika da u saradnji sa predsjednicima klubova vijećnika političkih stranaka-partija koje participiraju u Općinskom vijeću, organizuje sastanak sa Kantonalnom inspekcijom Zeničko-dobojskog kantona u cilju definisanja rješavanja problema rada na crno u općini Zavidovići, i o istom pripremi informaciju za narednu sjednicu Općinskog vijeća.

Općinsko vijeće Zavidovići sugeriše Općinskom načelniku i nadležnoj općinskoj službi da telefonski broj 080020224 za prijavu rada na crno (lica za koje postoji sumnja da ne registrovano obavljaju djelatnost ili upošljavaju neprijavljene radnike), češće objavljuje u lokalnim medijima i na drugi pogodan način dostupan građanima“.

Poslije toga dolazi do novog konkretnog Zaključka broj 01-05-621/08 03.03.2008.godine koji je usvojen na Općinskom vijeću koji glasi: „Krajnji rok za registriranje djelatnosti u skladu sa Zakonom, svih onih koji trenutno svoju djelatnost obavljaju bez odobrenja nadležnog organa je 31.07.2008.godine“.

U međuvremenu stvoreni su svi preduslovi na pijaci „BN-Step“ da se mogu svi provjeriti jer je vlasnik „BN-Step“ otklonio nedostatke i dobio dozvolu. Mora se konstatovati da su općinske vlasti tada sve učinile kako bi omogućili registraciju prodavnica u „BN-Stepu“.

- 444 -

Iznajmljena je i prostorija u Pošti za oduzimanje robe određeno pravno lice za prevoz oduzete robe, ali se na terenu ništa nije promijenilo. Poslije toga dolazi informacija na Općinsko vijeće gdje se očekivalo za naredna tri mjeseca da će se taj problem riješiti pošto i to nije urodilo plodom Općinsko vijeće je zaključkom tražilo od Općinskog načelnika da pokrene postupak za utvrđivanje eventualnih propusta nadležnih uposlenika Općine Zavidovići u provođenju Zaključka Općinskog vijeća Zavidovići broj 01-05-621/08 od 03.03.2008.godine koji se odnosi na registraciju lica koja obavljaju djelatnost bez odobrenja nadležnog organa Općine Zavidovići.

U odgovoru Općinskog načelnika danas u ovim materijalima stoji da nema odgovornih i da nije bilo propusta.

Pošto su iscrpljene sve mogućnosti putem Općinskog vijeća i da naše službe i inspektori nisu u stanju da spriječe društveno zlo koje i te kako šteti Općini Zavidovići i Federaciji BiH Općinsko vijeće donosi ovu naredbu.

2. N A R E D B A

Zadužuje se Općinski pravobranilac Zavidovići da **ODMAH** pokrene postupak utvrđivanja odgovornosti u zaštiti društvene imovine kuća-zgrada po nazivu IK „Krivaja“ koja je izgrađena na parceli k.č. 1292/4 u površini 130 m², upisana u P.L. 216 K.O. Zavidovići tzv. „Kuglana“ i predloži mjere za prevazilaženje ovog problema

O b r a z l o ž e n j e

Na Tematskoj sjednici od 18.06.2010.godine razmatralo se stanje u oblasti sporta na području općine Zavidovići i nakon rasprave donesen jedan od zaključaka – zaključak broj 11., gdje se tražila Informacija o statusu zgrade „Kuglana“ za julsku sjednicu 2010.godine. Od tada do danas desila se još jedna radnja koja ne ide u prilog društvu, došla je nagodba Nogometnog kluba „Krivaja“ Zavidovići i „Kobra“ d.o.o. Zavidovići i time dovela društvenu imovinu trajno u nepovrat.

Smatra se da je u ovome slučaju napravljen presedan i potrebna je stručna i dublja analiza po ovom pitanju.

II

Zaključak sa naredbama stupa na snagu odmah.

**PREDSJEDAVAJUĆI
OPĆINSKOG VIJEĆA**

(M.P.)

ing.Radosav Petrović, s.r.